

續修四庫全書



《續修四庫全書》編纂委員會編

續修四庫全書

上海古籍出版社

三三六・史部・編年類

汲冢紀年存真二卷周年表一卷

〔清〕朱右曾撰

一

通紀二十卷〔存卷四至卷十五〕

〔唐〕馬總撰〔宋〕孫光憲續

五五

編年通載十卷〔存卷一至卷四〕

〔宋〕章衡撰

一六九

古史紀年十四卷

〔清〕林春溥撰

二九三

古史考年異同表二卷後說一卷

〔清〕林春溥撰

四五七

資治通鑑補二百九十四卷〔卷一至卷十一〕

〔明〕嚴衍撰

五〇三

E280/06

汲冢紀年存真

〔清〕朱右曾撰

據上海辭書出版社圖書館藏
清歸硯齋刻本影印原書版框
高一九〇毫米寬二七六毫米

汲冢紀年存真

歸硯齋藏板

汲冢紀年存真序

秦政燔書三代事跡泯焉越五百歲古文紀年出於汲冢中而三代事蹟復約略可觀學者網於所習以舉廢公書及漢世經師傳說乖悟遂不復尋徒資異論越六百餘歲而是書復亡亡于北宋說詳後不知何年何人掇拾殘文依附史記規倣紫陽綱目爲今本之紀年鼠璞涸涸真贋錯雜不有別白安知真古文之可信與今本之非是哉最其大凡今本之可疑者十有二真古文之可信者十有六請揚權陳之晉書束皙傳言紀年十三篇隋書經籍志紀年十二卷新舊唐書藝文志並云紀年十四卷今本祇二卷篇目可疑一也束皙傳言紀年紀夏以來至周幽王爲

汲冢紀年

序

大戎所滅以晉事接之三家分仍述魏事杜預亦云特紀晉國起自殤叔以至曲沃莊伯莊伯之十一年十一月魯隱公之元年正月也今本自黃帝元年至隱王十六年大半依據史記年表體例可疑二也古文全用夏正杜預之言可據今本平王五十一年春三月己巳日有食之桓王二十三年三月乙未王陟全襲春秋可疑三也史記正義引紀年云自盤庚徙殷至紂之滅二百七十三年更不徙都今本則云武乙三年自殷遷于河北十五年自河北遷于沫不知盤庚之徙已居河北矣襲史記又杜撰遷沫之文可疑四也史記集解引紀年云夏用歲四百七十一年

今本附注云起壬子終壬戌若然則四百三十一年矣可疑五也自來簡冊俱不詳周公薨于何年今本于成王二十一年書周文公薨于豐而前此成王十三年書夏六月魯大禘于周公廟豈有周公尙存而魯已立廟乎可疑六也書序云周公既沒命君陳分正東郊今本成王十年周文公出居于豐十一年王命周平公治東都顯非事實可疑七也宋鼂氏陳氏書目皆無此書而宋志有竹書三卷是亡而復輯之證可疑八也凡史記注所引田侯剌立齊桓公弑其君母梁惠成王會齊威王于平阿齊宣王八年殺其王后秦惠王薨秦內亂殺其太后及公子雍公子壯

汲冢紀年

序

水經注所引鄭築長城自亥谷以南鄴師敗邯鄲師于平陽諸如此類確是紀年古文而今本俱缺可疑九也紀年本不講書法故王季文王亦加王號魯隱邾莊皆舉諡法今本改王季爲周公季歷改文王爲西伯改許文公爲許男改平王爲宜曰可疑十也水經注引晉烈公三年楚人伐我南鄙晉烈公十二年王命韓景子趙烈子及我師伐齊我者晉也梁惠成王元年趙成侯偃韓懿侯若伐我葵二年齊田壽帥師伐我圍觀我者魏也今本用周王紀年則我皆爲周文義俱失可疑十一也梁書沈約傳不言注竹書紀年隋唐志亦無紀年沈約注今本採取宋書符瑞

汲冢紀年

序

三

志而託爲休文之注可疑十二也前後四條洪頤煊說同至于真古文之可信又可得而言焉黃帝至禹爲世三十則知譜牒所紀闕漏甚多而舜妻祖姑契稷爲堯親弟舉可旁通一撤其郭一也禹都陽城足證孟子避舜之子二也太康羿桀俱居斟鄩卽雒汭之郭口去雒邑不遠足證周書度邑因有夏之居三也鳴條在陳留湯伐桀桀自斟鄩東出禦敵故戰于鳴條足證書序四也商世五遷器相耿奄前不數毫後不連殷故云不常厥邑于今五邦五也周武王十一年伐殷禽受故尙書泰誓序言惟十有一年足破偽古文十有三年之謬六也武王陟年五十四與周書度邑言自發之未生至于今六十年者合上距克殷祇閱六歲故中庸云武王末受命是闕漢儒文王十五生武王武王八十二生成王之謬說七也共伯干王位故左傳云諸侯釋位以閒王政若周召攝政不得云諸侯入也攜王爲王子余臣以其庶孽故云奸命若伯服則幽王旣立爲大子不得言奸命九也莊子言越人三弑其君田成子十二世而有齊國稽之史記殊形參錯證之真古文若合符節十也梁惠王改元稱王故孟子至梁稱之曰王十一也惠王六年徙都大梁故十八年桂陵之戰田忌欲直走大梁十二也惠王後元十一年楚敗我襄陵故惠王告孟子曰南

辱於楚如史記則惠王初無南辱之事十三也齊威王三十六年薨當梁惠王後元十五年而後齊宣王立孟子之書先梁後齊本為實錄史記之誤不辨自明十四也燕子之亂在齊宣王七年足證史記荀子以伐齊為湣王及通鑑增年之謬十五也孟子言由周而來七百有餘歲依三統厯則孟子去齊之歲上距克殷之年已八百餘載矣若依真古文推較確是七百有餘十六也裨經益史彰彰若此惜乎全書之亡軼而怪向來學者之是丹非素習焉不察也僕少讀孟子致疑于伐燕之事及觀通鑑增年求合又病其鑿空乃取史記索隱所引紀年之文排比類次

汲冢紀年

而後渙然冰釋曰此非孟子之誤乃史遷之誤而唐宋以來儒者讀書之魯莽也于是廣按故冊掇拾叢殘錄為一帙注其所出攷其異同增以蕪說名之曰汲冢紀年存真志古之君子或亦有取乎是而教其所不逮乎嘉定朱右曾

凡例

一古文紀年散見于古籍所引皆可信據標明所出以便校訂若彼此共引一事而文或不同則注明所異以待參攷

一古籍所引或係撮其大意如重耳出奔惠公見獲未知元文何若則仍錄所引之語不敢點竄若其文可知者則用本書之例書之而以所引之語分注其下如秦敬公卒次惠公立之類是也

一古文以晉魏紀年則列國之年不應並見索隱引齊宣公十五年田莊子卒宣公十五年五字係索隱參攷而得今以此五字分注于齊字之下庶不乖元書體例

一據杜預左傳後序書年起自殤叔又據史記集解自武王滅殷以至幽王云云知古文紀年自宣王以上別為一篇故今定殤叔三年以後皆明著晉年而以墨圈則之其各籍所引本有其年者則無墨圈

汲冢紀年

凡例

十

汲冢紀年存真上

嘉定朱右曾輯錄

杜預左傳後序晉書束皙傳並云紀年起自夏殷故亦或謂之夏殷春秋而史記魏世家集解引和嶠云紀年起自黃帝嶠與束皙同被詔校竹書而言各不同若此豈編年紀事始于夏禹而五帝之事別為一編乎夫同一束皙傳王隱撰者云紀年十二卷見左傳正義房喬修者云紀年十三篇參之隋志紀年十二卷注云汲冢書并竹書同異一卷然則紀年正文止十二卷所記夏殷以前事或在竹書同異中未可知也

汲冢紀年 卷上

今所哀輯姑以時代次之

昌意降居若水產帝乾荒

山海經海內經注

海內經云黃帝妻雷祖生昌意昌意降處若水生韓

流郭璞引此而釋之曰乾荒即韓流也生帝顓頊璞

意顓頊為黃帝曾孫與史記以為黃帝孫者異然禮

記祭法疏引張融曰孔子刪書求史記得黃帝元孫

帝魁之書若五帝當身相傳何得有元孫帝魁疏又

引春秋命麻序稱炎帝傳八世合五百二十歲黃帝

傳十世一千五百二十歲少昊傳八世五百歲次曰

顓頊傳九世三百五十歲次是帝嚳傳十世四百歲

然則顓頊非黃帝孫亦非黃帝曾孫明矣水經曰若

水出蜀郡旄牛徼外東南至故關為若水注曰若水

沿流間關蜀土黃帝子昌意降居斯水為諸侯焉今

四川打箭爐廳西南二百八十里有鴉龍江即古若

水下流合金沙江

帝王之崩曰陟

昌黎集黃陵廟碑

黃帝既仙去其臣有左徹者削木為黃帝之像帥諸侯朝

奉之太平御覽七十九引抱朴子曰汲冢中竹書云云今抱朴子無此文

黃帝死七年其臣左徹乃立顓頊史路

案黃帝之後尚有少昊金天氏顓頊繼少昊而登帝

汲冢紀年 卷上

位左氏有明證也此與史記並略金天一代蓋洪荒

遼古傳聞異詞陳氏曰路史當是引博物志

顓頊產伯鯀是維若陽居天穆之陽

山海經大荒西經注

史記索隱曰皇甫謐云鯀帝顓頊之子字熙系本亦

以鯀為顓頊子漢書律厯志則據帝繫云顓頊五代

而生鯀案鯀既仕堯與舜代系懸殊舜即顓頊六代

孫則鯀非是顓頊之子蓋班氏之言近得其實

帝堯元年丙子

隋書律厯志路史後紀注。丙亦作景

韓怡紀年辨正曰帝堯元歲皇甫謐邵康節金仁山

定為甲辰羅泌路史在戊寅章俊卿山堂考索在癸

未右會案通鑑其論不一竹書作于魏人去古較

近似可信也右會案古人以甲子名歲自王莽下

書言始建國五年歲在壽星倉龍癸酉又云天鳳七

年歲在大梁倉龍庚辰是始變古原古人之法以歲

星定太歲之所舍星有超局則太歲亦與俱超故不

可以甲子名歲也東漢以來步麻家廢超辰之法乃

以甲子紀年以便推算此而子二字疑荀易和嶠等

所增也路史後紀注竹書云堯元年丙子故隋袁象

紀甲子先云堯以景子受命至元九年得元第一

上元然攷堯以戊寅即位至元九年得元第一

是年冬至日在虛一度至元九年得元第一

戊午自天正甲子至開元甲子至元九年得元第一

入度四千一百二十八分至元九年得元第一

以歲差攷之每七十八年差一度至元九年得元第一

堯有聖德封于唐夢攀天而上至元九年得元第一

路史曰始帝在唐夢御龍至元九年得元第一

后稷放帝朱于丹水至元九年得元第一

尙書逸篇曰丹朱不肖舜至元九年得元第一

丹朱太平御覽六十三律麻志稱帝系曰陶蓋

朱既放舜因封之也山海經曰蒼梧之山帝舜葬于

陽帝丹朱葬于陰郭璞曰丹朱稱帝者猶漢山陽公

死加獻帝之諡也括地志曰丹朱故城在鄧州內鄉

汲冢紀年

卷上

三

汲冢紀年

卷上

四

縣西南百二十里南去丹水二百步史記正義內鄉縣今

隸河南南陽府

史記五帝本紀正義引竹書云昔堯德衰為舜所囚

又引竹書云舜囚堯復偃塞丹朱使不得與父相見

亦見路史廣宏明集十一引汲冢竹書云舜囚堯于

平陽取之帝位今見有囚堯城案史通雜說篇引此

以為瑣語文故不錄路史注以為紀年文妄也即此

羅長源父子亦未見紀年古本也又蘇鶚漢書演義引竹書曰堯禪

位後為舜王之舜禪位後為禹王之案此即咸邱蒙

所謂盛德之士君不得而臣之意蓋亦瑣語文也

舜耕于歷夢眉長與髮等遂登庸鴻書。郝正

命咎陶作刑北堂書鈔十七

三苗將亡天雨血夏有冰地坼及泉青龍生于廟日夜出

晝日不出通鑑外紀一注路史注小異

韋昭國語注曰三苗炎帝之後諸侯也堯舜之時誅

討有罪廢絕其世不滅其國所以歷代常存屢不從

化戰國策吳起云三苗氏德義不修禹滅之墨子非

攻下篇云昔者三苗大亂天命極之妖宵出雨血三

朝龍生廟犬哭乎市夏冰地坼及泉五穀變化民乃

大振高陽乃命元宮禹親把天之瑞令以征有苗

路史餘論曰癸比氏虞帝之第三妃二女者癸比氏之所出也一日宵明一日燭光見諸汲簡未知是紀年文乎是瑣語文乎姑附于此

夏后氏

禹

禹都陽城漢書地理志注續漢書郡國志注

孟子言禹避舜之子于陽城朝覲訟獄者不之舜之子而之禹是禹都陽城之證也皇甫謐言在平陽或在安邑或在晉陽俱非是陽城故城今河南河南府登封縣東南告成鎮是也

漢家紀年

卷上

五

黃帝至禹為三十世路史發揮

夏禹未遇夢乘舟月中過而後受虞室之禪鴻書

禹立四十五年太平御覽八十五

案孟子言舜薦禹于天十有七年舜崩三年喪畢然後即位計即位後二十五年崩乃合四十五年之數而史記言禹立十年通鑑外紀云九年帝王世紀通鑑前編並云八年未詳孰是

啓

啓曰會路史注

羅莘曰連山作余太平御覽引帝王世紀曰啓一名

建一名余

益于啓位啓殺之晉書東晉傳

戰國策燕策或曰禹薦益而以啓人為吏及老而以啓為不足任天下傳之于益啓與友黨攻益奪之天下謂禹名傳天下于益而實令啓自取之是戰國時本有此異說也

九年舞九韶路史後紀注山海經大荒西經注○山海經注有夏后開三字

楚辭天問曰啓棘賓商九辯九歌大荒西經曰夏后開上三嬪于天得九辯與九歌以下此穆天之野高二千仞開得焉始歌九招郭璞注引開筮曰昔彼九

漢家紀年

卷上

六

冥是與帝辯同宮之序是為九歌又曰竊辯與九歌以國于下右曾謂賓商之商當作帝帝邱亦作商邱形近而誤嬪之嬪當作嬪嬪與賓通趙簡子夢游鈞天廣樂九奏唐元宗與術士游廣寒宮得霓裳羽衣曲亦其比也

二十五年征西河北堂書鈔十三路史國名紀注

路史後紀曰武觀以西河叛帝征西河以武觀歸武觀者啓子太康弟據韋昭說亦曰五觀左傳曰夏有觀屬國語曰啓有五觀周書曰其在夏之五子忘伯禹之命假國無正用胥與作亂遂凶厥國皇天哀禹賜以彭壽思正夏略即其事也水經注曰洞過水西南流

逕武灌城西北今山西太原府榆次縣西南二十里

有武觀城舊說謂是東郡畔觀恐非

二十九年路史後紀注引無陟字今補。眞

七十八此傳寫之謬也再娶塗山而生啓在堯

老舜攝之時則啓嗣位時斷不止三十九歲

世紀啓在位十年外紀九年僞紀年十六年俱謬路史後紀啓在位十有六歲年九十一注

太康

太康居斟鄩漢書地理志注史記夏本紀正義

斟鄩故城今河南府鞏縣之郛中也

乃失邦路史後紀注

汲冢紀年卷上

據路史在太康之十九年又十歲而死世紀外紀俱

謂二十九年失政而崩刀劍錄云太康二十九年

代厯云十二年見路史注僞紀年云四年俱謬

羿居斟鄩漢書地理志注臣瓚曰汲冢古文云太康居斟尋羿亦居之據此補

左傳所謂因夏民以代夏政也

仲康

年代厯在位二十八年路史十八年外紀前編十三

年僞紀年七歲

相世紀云一作相安見路史注

后相即位處商邱太平御覽八十二一本無邱字

商當爲帝帝印秦漢之濮陽在今直隸大名府開州

西左傳衛懿帝印衛成公命祀相是也

元年征淮夷路史後紀十四

二年征風夷及黃夷太平御覽八十二。後漢書東夷傳注引此無風夷及三字

七年于夷來賓後漢書東夷傳注

相居斟灌漢書地理志注水經巨洋水注

臣瓚謂卽東郡畔觀在山東曹州府觀城縣西與帝

邱相近舊說謂在青州府壽光縣東南

外紀帝相二十八年羿八年湼三十二年路史帝相

八年寒浞殺羿又二十二歲算弑帝相湼革夏命四

汲冢紀年卷上

十有二年爲伯靡所殺年代厯云湼四十年

少康

少康卽位方夷來賓後漢書東夷傳注

後漢書東夷傳云太康失德夷人始畔自少康已後

世服王化孫之驛曰王會云方人以孔鳥卽方夷也

陶宏景刀劍錄曰少康在位二十九年路史云四十

有六歲陟年八十有八前編云二十一年崩年六十

有一

帝杼杼或作予太平御覽引作帝字寧直呂反又引世紀帝字一號后子

帝杼居原自原遷于老邱太平御覽八十二路史後紀十四注

今河南懷慶府濟源縣西北十五里有原城開封府

陳留縣北四十五里有老邱城

柏杵子征于東海及三壽得一狐九尾山海經海外東經注。路史後紀注

王三作

外紀前編偽紀年並云帝杵十七歲陟路史作二十有七歲

后芬發史記作帝槐世紀或作祖武亦作魁

后芬發即位二年九夷來御曰吠夷千夷方夷黃夷白夷

赤夷元夷風夷陽夷後漢書東夷傳注太平御覽七百八十。後漢書注無曰吠夷以下十九

字御覽無發字二年作三年干或作干亦作于

汲冢紀年

卷上

九

劉敞曰九夷在徐州莒魯之間

洛伯用與河伯馮夷鬪水經洛水注

案古國有有洛氏見周書史記篇有河宗氏見穆天子傳國語言

成周之北有潞洛泉徐蒲諸國然則用與馮夷蓋二

國之君輕身鬪狠故史官紀之非穀離鬪之比也莊

子大宗師篇曰馮夷得之以遊大川司馬彪注引清

冷傳曰馮夷華陰潼鄉隄首人也服入石得水仙是

為河伯穆天子傳曰陽紆之山河伯無夷之所都居

郭璞注曰無夷馮夷也然則馮夷者蓋始為國君而後為水神者不然安得有都居之所乎

后芬立四十四年太平御覽八十一

世紀二十八年路史外紀前編俱云二十六歲陟

后荒史記作帝芒太平御覽引作后芒又引世紀帝芒一名和

后荒即位元年以元珪賓于河狩于海獲大魚北堂書鈔九十八路史後紀十四。初學記十三珪作璧路史及御覽八十二符上有東字偽紀年以狩海獲魚為十三年事

后芒在位五十八年陟太平御覽八十二。路史注引作年五十八

世紀十三年外紀路史前編俱云十有八年陟

后泄世紀一名帝世或曰泄宗

王亥託于有易河伯僕牛山海經大荒東經注

郭璞曰河伯僕牛人姓名託寄也案王亥即殷王子

汲冢紀年

卷上

十

亥也子亥史記作振世本作核契之七世孫也

殷王子亥賓于有易而淫焉有易之君縣臣殺而放之故

殷上甲微假師于河伯以伐有易滅之遂殺其君縣臣山海經大荒東經注

殺而放之者謂殺子亥而放所淫之婦也

后泄二十一年命吠夷白夷赤夷元夷風夷陽夷後漢書東夷傳

注繇是服從路史後紀十四注

陟路史後紀十四注

年代厯外紀並云十六年陟世紀路史作二十六年

偽紀年作二十五年

不降外紀云一作江咸

不降即位六年伐九苑太平御覽八十二路史後紀十四注

六十九年其弟立是為帝路史後紀注作六十九年陟

外紀路史前編偽紀年並作五十九年路史注稱紹

運圖云六十三年

帝周或曰高陽

外紀世紀路史並云二十一歲偽紀年作十八年陟

帝御覽引世紀帝座一名項或曰董江瑱路史作頓

而路史後紀云帝座子允甲立注云見汲紀年左傳作

允甲是允甲乃帝座之子非其名也文選六代論注引

汲冢紀年卷上

世紀外紀路史並云二十年前編二十有一歲偽紀

年八年陟

允甲

允甲即位居西河山海經海外東經注

允甲在位四十歲天有祗孽十日並照于東陽其年允甲

陟路史後紀十四注。山海經海外東經注開元占經六

紀一引十日並出下云其年陟即位居西河連為一條唯通鑑外

刀劍錄云孔甲四十年以九年甲辰采牛頭之鐵作

劍一銘之曰夾偽紀年云九年陟他書並作三十一

年陟

本有十日迭次而出運照無窮太平御覽卷四

案史夏桀之亂兩日並出商紂之世兩日又見故攷

靈曜曰黑帝之亡二日並照後世晉建興二年正月

辛未三日出西方四年三日復出五年正月庚子三

日又見占日三四五日見天下兵王者如其數建武

元年三日並見太興三年五日並出唐乾符六年十

一月朔兩日出關三日乃沒周顯德七年正月癸卯

苗從訓從太祖出師見日上復有一日久相摩盪及

夕六軍摧戴然則羿彈九日未盡寓言也

后昊他書作帝舉世紀一名

汲冢紀年卷上

后昊立三年太平御覽八十二

外紀路史並云在位十一年

后發

后發一名后敬或曰發惠太平御覽八十二。路史云帝

后發亦云發一作敬外紀亦云發一作敬

后發即位元年諸夷賓于王門并保壻會于上池諸夷入

舞北堂書鈔八十二。太平御覽七百八十無并保壻句

又未句作

并與郡通國名也在湖北荆門州東南保壻蓋并君

之名上池地名也

世紀云在位十一年路史云十有二歲外紀云二十年前綱云十九歲偽紀年云七年陟

后桀

諸書俱以桀為后發子唯路史注引世本云皋生發及履癸則以桀為發弟也

居斟鄩

漢書地理志注曰太康居斟鄩桀亦居之據此補

吠夷入居幽岐之間

後漢書西羌傳

不窋之舅孫

爾雅釋親注

舅孫者元孫之孫已之六世孫也此云不窋之舅孫不知所指意者其指公劉乎漢劉敞對高帝曰周之

汲冢紀年

卷上

圭

先自后稷堯封之邵積德累善十有餘世公劉避桀

居豳然則公劉正當夏桀之世也周本紀所記代系

本不足信周語祭公謀父曰昔我先王

俗本脫去王字宋本及史

有世后稷以服事虞夏云世后稷則非一世可知

不窋既非弃子則公劉亦非弃之曾孫可知湯伐桀

至紂十七世世本公劉至文王十六世

史記止十二世

略相當故附著之

后桀命扁伐岷山岷山莊王女于桀二人曰琬曰瑊桀愛

二人女無子焉斷其名于荇華之玉荇是琬華是瑊而弃

其元妃于洛

藝文類聚八十三。太平御覽八十二。岷山作山民一百三十五仍作岷山但無莊王二

字女于桀上有進字又弃其元妃句下有日妹喜三字

楚辭天問曰桀伐蒙山何所得焉王逸云蒙山國名

夏桀伐之而得妹嬉蒙山即岷山聲轉字易耳左傳

曰夏桀為仍之會有緡叛之又云桀克有緡以喪其

身緡岷聲近疑亦是也管子地數篇曰女華者桀之

所愛也蓋刻名華玉故曰女華

桀傾宮飾瑤臺作瓊室立玉門

太平御覽八十二。路史發揮桀作飾飾作起又桀

傾宮句亦見文選三都賦注

路史發揮曰關龍逢之死竹書以為諫瑤臺又云汲

冢張華書更以為諫長夜之宮今案博物志曰夏桀

汲冢紀年

卷上

西

之時為長夜宮于深谷之中男女雜處十旬不出聽

政天乃大風揚沙一夕填此宮谷又飾瑤臺關龍逢

諫桀曰吾之有民如天之有日日亡我則亡以龍逢

為妖言而殺之其後山復于谷下反在上耆老相與

諫桀又以為妖言而殺之據路史是博物志此條本

于竹書也故具錄之

宋喜氏以與伊尹交遂以閒夏

太平御覽一百三十五

國語史蘇曰妹喜有寵於是乎與伊尹比而亡夏韋

昭曰比比功也伊尹欲亡夏妹喜為之作禍其功同

也此所云交即比之意

社圻裂太平御覽八百八十路史後紀注十四

淮南子云桀之時植社槁而埤裂即謂此也御覽引

此云其年為湯所放御覽八百七十七引史記曰夏桀末年大雨水俄為湯所放案

御覽他卷亦稱竹書為史記故錄之

湯遂滅夏桀逃南巢氏太平御覽八百七十二

外紀云桀五十一年偽紀年云三十一年

凡夏自禹以至于桀十七王有王與無王用歲四百七十

一年史記夏本紀集解文選六代論注太平御覽八百七十二路史後紀十四注

六韜云禹三十一世至桀漢書律曆志帝王世紀唐

書曆志並云夏后氏四百三十二年路史云四百八

汲冢紀年卷上 五

十有三歲通鑑前編云四百四十歲

案東晉傳云紀年夏年多殷今據諸書所引仍殷年

多夏未詳

商

湯

湯有七名而九征太平御覽八百十三

金縢子曰成湯凡有七號一名性生二云履長三云

瘠肚四云天成五云天乙六云地甲七云成湯是湯

有七名也張宗泰據路史後紀注謂七名當作七年

有字衍文非也九征者葛也見孟子有洛也見周書豕韋

也顧也昆吾也夏也見商三履也見尚書序餘二征未詳

然孟子言十一征而無敵于天下帝王世紀言凡二

十七征則或不止九征也

韓詩內傳曰湯為天子十三年年百歲而崩御覽八百三十三通鑑外紀同

紀同世紀云湯即位十七年而踐天子之位為天子

三十年年百歲而崩偽紀年云十八年癸亥即位二

十九年陟

外丙

外丙勝即位居亳太平御覽八百十三

諸書皆云外丙二年

汲冢紀年卷上 末

仲壬

仲壬即位居亳命卿士伊尹左傳集解後序

伊尹祠桐宮歌曰日月有常星辰有行四時從經萬姓允

誠於予論樂配天之靈遷于聖賢莫不成聽龔乎鼓之軒

乎舞之精華以竭寰裳去之通鑑綱目前編帝舜十五載注曰此歌汲冢竹書亦有之引尚書大傳日月有常云云然誤在伊尹祠桐宮之下

帝王紀曰桐宮蓋殷之墓地有離宮可居太平御覽八百十三

仲壬崩立大甲伊尹放大甲于桐乃自立左傳集解後序

依路史發揮注增

案此條御覽八百十三引以為瓌語文

大甲

伊尹卽位七年大甲潛出自桐殺伊尹乃立其子伊陟伊奮命復其父之田宅而中分之左傳集解後序。路史發揮注引作太甲三年

案此條胡三省通鑑注以爲師春文

伊尹年百有五歲楊升庵外集

大甲十二年陟史記魯世家索隱云紀年大甲惟得十二年據此補

諸書並云三十三年

沃丁

沃丁絢卽位居亳太平御覽八十三

外紀前編並云二十九年僞紀年云十二年

汲冢紀年

卷上

七

小庚

史記作大庚

小庚辯卽位居亳太平御覽八十三

外紀前編並云二十五年僞紀年云五年

小甲

小甲高卽位居亳太平御覽八十三

世紀云五十七年外紀云三十六年前編及僞紀年云十七年

雍己

雍己仲卽位居亳太平御覽八十三

諸書並云在位十三年

大戊

諸書並云在位七十五年

仲丁

仲丁卽位元年自亳遷于囂太平御覽八十三

囂卽敖在河南開封府榮澤縣西北小雅薄賦于敖左傳晉師在敖郛之囂卽此

征于藍夷後漢書東夷傳注大平御覽七百八十

外紀云在位十一年前編云十三祀僞紀年云九年

外壬

外壬居囂太平御覽八十三

汲冢紀年

卷上

太

外紀前編並云十五年僞紀年云十年

河亶甲

河亶甲整卽位自囂遷于相太平御覽八十三

案呂氏春秋音初篇曰殷整甲徙宅西河猶思故處

實始作西河亶甲名整殷整甲卽河亶甲也相在

河南彰德府內黃縣東北在古東河之西非西河也

書序言祖乙圮于耿耿在山西絳州河津縣東南正

古西河之地參之呂覽知亶甲遷相不久又遷于耿

特竹書脫軼無從證之耳

征藍夷再征班方太平御覽八十三